

TENTAMEN MEDICUM  
 INAUGURALE,  
 DE  
 RHEUMATISMO ACUTO:

QUOD,  
 ANNUENTE SUMMO NUMINE,

Ex Auctoritate Reverendi admodum Viri,

D. GEORGII BAIRD, S.S.T.P.

ACADEMIÆ EDINBURGENÆ PRÆFECTI;

NEC NON

Amplissimi SENATUS ACADEMICI Consensu,  
 Et Nobilissimæ FACULTATIS MEDICÆ Decreto;

*PRO GRADU DOCTORIS,*

SUMMISQUE IN MEDICINA HONORIBUS AC PRIVILEGIIS  
 RITE ET LEGITIME CONSEQUENDIS;

ERUDITORUM EXAMINI SUBJICIT

JOANNES WOLSELEY,

*HIBERNUS.*

SOCIETAT. MED. HIB. OLIM SOCIUS EXTR.

Ad diem 12 Septembris, hora locoque solitis.

---

---

EDINBURGI:

---

---


*CUM PRIVILEGIO.*

TYPIS GEORGII MUDIE ET FILII.

---

1795.





Digitized by the Internet Archive  
in 2020 with funding from  
Wellcome Library



REVERENDO

GULIELMO WOLSELEY,

PATRI SUO CARISSIMO,

SEMPER VENERANDO,

QUI SE AMORE VERE PATERNO SEMPER

PROSEQUUTUS EST;

NECNON

EXIMIO ERUDITOQUE VIRO

ANDREÆ DUNCAN, M. D. F. R. S.

OB VIRTUTES MULTIGENAS

TUM PUBLICAS TUM PRIVATAS,

ET OB BENEVOLENTIAM VERSUS SE INSIGNEM,

HASCE STUDIORUM PRIMITIAS

AMORIS ET OBSERVANTIÆ

SIGNUM LEVE

SACRAS ESSE VOLUIT

A U C T O R.



## CORRIGENDA.

In pagi. 3. lin. 7. *pro vesperam lege vesperem.*

—— 16. — 18. *pro per utile lege perutile.*

—— 18. — 9. *pro summuntur lege sumuntur.*

—— 22. — 6. *pro enarare lege enarrare.*



# TENTAMEN MEDICUM

INAUGURALE,

DE

## RHEUMATISMO ACUTO.

---

Auct. JOANNE WOLSELEY.

---

**M**ORBUS hicce impetum plerumque facit autumnalibus vernisque temporibus, et quolibet etiam anni tempore, præsertim si caloris atque frigoris mutationes subitanæ et crebræ sint.

Apud omnes compertum est, hunc morbum in frigidioribus terræ partibus potissimum grassari. A pubertate ad annum trigesimum quintum plerumque, et interdum etiam multo serius, ut præclarus Gregorius testatur, adoritur, et utrum-

A

que,



que sexum invadit; foeminas vero, secundum Home, professorem celeberrimum, sæpius quam mares. Omne temperamentum, sed, præ cæteris, sanguineum afficitur.

Rheumatismus interdum subito incipit, et languoris et frigoris sensum imprimis experitur ægrotus; his, calor, anxietas, sitis, atque potissimum pulsus frequens, plenus, et durus brevi subeunt. Vertigine, nausea, interdum et respiratione difficili infestatur, appetitus fit prostratus, et omnigenum fere cibum fastidit; arefcit lingua, et albescit; progrediente febre, doloribus excruciantur rheumatici in variis corporis partibus; sed præcipue in articulis artuum majoribus. Hi dolores, vagi, acuti, et lancinantes sæpe existunt, et nonnunquam antea sentiuntur, quam ulla pyrexiae signa accedunt.

Articulus unus solum eodem tempore plerumque afficitur; sed, ingravescentibus symptomatis febrilibus,



febrilibus, magis intensi fiunt dolores, et plures corporis articuli simul doloribus exercentur, qui, per apaneurosin tendineam, tractum muscutorum plerumque sequuntur; remittentes in una junctura, postea vero in alia ingravescentes, Aliquoties hos dolores, motus minimus, vel compressio maxime auget. Vesperam versus, pyrexia violentior fit, et locum suum tunc præcipue mutant dolores, et ægrotus noctem insomnem et inquietam plerumque agit, doloribus, calore lecti vel alio externo, auctis.

Artubus aliquamdiu dolentibus, tumor et rubor supervenire solent; illi autem non semper dolores levant. A principio hujus affectionis, sudore viscido frigido, raro universali, aut symptomatum levamen inducente, superficies humectatur; hoc enim tempore articuli affecti ficci ac rigidi manere solent. Humor attamen copiosus per cutem elicitus maximum levamen sæpe attulit.



Per totum fere morbi decursum urina, colorem subrubrum induit. Ineunte quidem morbo, nihil demittit; sed, morbo progrediente et febre remittente, sedimentum furfuraceum deponit. Alvus pro maxima parte constipata est.

Sanguis, e vena missus, crustam coriaceam ostendit; quoniam vero hoc variis ex rebus, quæ, dum sanguis fluit, accidunt, pendet, non possumus certe exinde judicare, utrum urgeat inflammatio, vel si venæsectione iterata opus sit. Sed de hoc ictibus arteriarum et doloribus præsentibus judicabit medicus. Rheumatismus ab omnibus aliis morbis inflammatoriis multum discrepat, præcipue autem quod in suppurationem vix aut ne vix quidem desinit. Nonnunquam autem liquores gelatinosi, tendinum in vaginas, effunduntur; aliquando etiam accidit, quod, cessante pyrexia, simul cum tumore et juncturarum rubore imminuto, dolores tamen haud raro evanescunt, et partes affectæ rigidæ, frigidæ,



frigidaë, atque aridaë fiunt. Morbus tunc Rheumatismi Chronici nomine dignoscitur.

Rheumatismus, quanquam ægrum fato succumbere raro cogit; attamen, quoniam eum plerumque comitantur dolores gravissimi, medici attentionem jure sibi vindicat. Cullenus venerandus, sequentibus verbis, hunc morbum accurate depingit.

### MORBI DEFINITIO.

“ Morbus ab externa, et plerumque evidente  
“ causa. Pyrexia, dolor circa articulos, musculorum tractum sequens, genua et reliquos  
“ majores, potius quam pedum vel manuum  
“ articulos, infestans, calore externo auctus.”

### DIAGNOSIS.

Morbi præcipui, qui rheumatismum referunt, sunt podagra, syphilis, et scorbutus; ab his dignosci



nosci potest, si symptomata eorum rite perpendamus. Podagra sæpissime est morbus hæreditarius, Rheumatismus raro, forsan nunquam, labem hæreditariam agnoscit. Podagra ætate provectiores plerumque adoritur, et sæpe cum doloribus ventriculi, vel partium internarum aliarum affectionibus alternat. Rheumatismus hisce nuper memoratis symptomatibus nunquam stipatur, et provectos ætate rarissime corripit. Fæminæ a rheumatismo frequentius invadi dicuntur, at podagra mares præcipue adoritur. Rheumatismus artus majores, et superiores sæpius, quam inferiores, occupat, et tractum musculorum dolores plerumque sequuntur; dolores vero arthritici frequentissime in articulis minoribus sentiuntur, et arthritide laborans morbi accessionem sæpe referre potest intemperantiæ. Rheumatismus vero frigori aut humiditati applicatæ tribuendus,

Rheumatismus a lue venerea discrepat, quod, hac præsentē, dolores altius fixi et ossium mediam  
partem



partem occupantes, ægrum vexant; sed, in rheumatismo, in musculis tantummodo et tendinibus sentiuntur, et per tactum minimum sæpe augentur, quod syphilitide conflictanti nunquam accidit. Si denique bubones, vel exostoses, vel ulla alia ex symptomatibus venereis, in Culleni definitione videnda, observentur, tunc syphilitidem verè præsto adesse judicemus. Rheumatismus quoque facillimè a scorbuto distinguitur. Præter enim violentos dolores, quibus scorbuto implicatus corripitur, etiam adfunt manifesta signa fluidorum putrescentiæ, torpor et debilitas insolita, et circa oculum circulus lividus, stomacace, et anima fætida; maculæ sæpe adfunt, in cute coloris varii, sed plerumque livescentes; urgente autem rheumatismo, tales efflorescentiæ, vel fluidorum putredo nunquam apparent. Notas, quæ rheumatismum acutum a chronico, separant, offerre omisi, utpote superfluum existimans; medicinæ enim qui studio unquam animum dedit, alium ab altero facile dignoscere potest.

CAUSÆ



## CAUSÆ REMOTÆ.

In *Prædisponentes* et *Occasionales* jure dividuntur.

1. Causæ prædispositionem ad morbum producentes multiplices variæque sunt. Eos frequentius invadit rheumatismus, quibus habitus est corporis sanguineus, plenusque. Hanc prædispositionem autem inducunt quietum vitæ genus, diæta nimis lauta et nutriens, indulgentia soporis nimia, evacuationes solitæ subito suppressæ, veluti perspirationis et mensium; unde forsân fœminæ sæpius, quam viri, hoc morbo laborant. Huic quoque referenda est sanguinis missionis periodicæ omissio, vel hæmorrhagiarum consuetarum cessatio. Qui venerem nimis assidue colunt, cæterisque causis debilitantibus sese dederunt, ad hunc morbum etiam proclives esse feruntur. Præter has causas, acuti morbi sæpe invadentes, corpus

pus



pus debilitatum vel irritabile proclive ad rheumatismum reddunt.

Causæ excitantes præcipue sunt frigus, et humiditas corpori, potissimum nimis calefacto, adinota. Morbum inducunt crebræ cæli mutationes; hinc vere, et autumno sæpissime adest. Frigus diu continuatum pro causa prædisponente sola haud habeatur; hyeme enim, raro mortales exercentur hoc morbo, quoniam tunc temporis constrictio solidorum adest; verno autem calore excitatur, qui vasa sanguifera stimulat, plusquam solidorum constrictionem amovet.

#### CAUSA PROXIMA.

Quandam fluidorum conditionem, veluti lentorem, aut sanguinis visciditatem, causam hujus morbi proximam esse censebant multi; dum



alii eam fluidorum acrimoniæ tribuerunt. Hæc autem opiniones refellit Cullenus venerandus. Ille cenfet in fpafmo vaforum extremorum eam constare, dum, eodem tempore, arteriarum renixus, per totum cursum, intenditur. Prohibet hæc constrictio liberum per vasa sanguinis transitum. Ad hoc impedimentum amovendum spasmus exoritur, qui, cum omni corporis parte cito communicatus, symptomata febrilia, veluti inflammationem, dolorem, &c. infert.

### QUORUNDAM SIGNORUM RATIO.

Symptomatum, veluti doloris, ruboris, tensionis et tumoris explicationem afferre haud difficile erit; spasmus enim vasculorum extremorum, circulationem sanguinis expeditam impediens, vasorumque actio, ob hanc causam vehementer aucta, exhalantia dilatant, a quorum extremitatibus, effusio in telam cellulofam fit; hinc oriuntur dolor, tumor, et rubor. Calor semper etiam præstest, qui ab adaucta actione vasorum sanguifero-



rum pendet. Fibræ musculares solito rigidiores esse observantur, et hæc rigiditas causa videtur esse, quare dolores musculorum tractum sequuntur, et ab uno artuum ad alterum sæpe migrant.

### PROGNOSIS.

Auctores fere omnes, rheumatismi terminationem raro funestam evadere concedunt; haud defunt autem exempla, quanquam rara, hominum, quibus lethalis hic morbus fuit. Interdum enim, omnia medicamenta inutilia inveniuntur, et morbus, vice acuti, fit rheumatismus chronicus. Nonnunquam in artuum rigiditatem, anchylosin vel paralyfin definit. Si ægrotus florente ætate sit, habitusque corporis, intemperantia vel prægressis morbis, haud debilitatus sit, et symptomata febrilia sint levia, cum pulsu haud celeri, et pleno; si sudor copiosus et calidus, vel naturaliter



ter, vel ex medicamentorum usu, profluat, et dolores simul remittant; si urina multum sedimenti lateritii deponat; et hæmorrhagia, diarrhæa, vel cutis efflorescentia, urgentibus pyrexia signis, mitescant; si denique lingua nitida et humida sit, et æger placidis noctibus fruatur, eventum felicem promittere liceat.

Contra vero, ancipitem exitum portendunt symptomata insequentia: *viz.* Cum morbus diu perstiterit, et ægroti vires prius fuerint fractæ; cum dolores uni articulo affixi maneant, et æger ætate provectus sit. Resolutione frequentius, suppuratione raro, gangræna aut sphacelo rarissime, finitur rheumatismus. Morbus denique hicce, et dolorosus et perversus, quamvis necem raro inducens, habendus est.



## MEDENDI METHODUS.

Cum ex supradictis, et ab experientia medicorum, satis manifestum sit, rheumatismum inter morbos inflammatorios jure haberi, duo medendi consilia necessaria esse videntur.

I. Diathesin phlogisticam totius corporis, sed præcipue partis affectæ, tollere.

II. Spasnum, vasis extremis inductum, solvere.

## CONSILIUM PRIUS.

Hoc in regiminis antiphlogistici administratione imprimis constat. Hoc autem perficitur omnibus evitandis, quæ genus nervosum irritant, vel quæ pulsus arteriarum crebriores reddunt.

Studium,



Studium, cogitatio multa, aut negotia vitanda sunt. Situs horizontalis, quoniam musculi tunc minus exercentur, anteponendus est. Calor, lux nimis vivida, et magnus strepitus sedulo vitanda sunt. Diæta minimum stimuli præbens eligenda est. Cibus itaque ex regno animali vitandus, et vice ejus vegetabilis utendus. Potus aromatici vel spirituosi ægro haud offerantur, et tenues, et aquosi tantummodo præbeantur. Cavendum quoque de cruda vel indigesta materie in stomacho, vel a fœcibus diu in intestinis retentis, quæ omnia stimulant, sed præcipue, cum corpus morbis inflammatoriis laborat. Sanguinis missio, et medicamenta cathartica huic consilio præcipue respondent. Systematis sanguiferi optime immittitur actio missione sanguinis, quoniam a fluidis contentis vasorum tonus, maxima ex parte, pendet. Initio morbi, sanguis copiose mittendus est. In quantitate detrahenda symptomatum violentia dirigamur; sed memoria tenendum est, per quatuordecim vel sexdecim uncias, uno tempore



tempore missas, signa febrilia multo magis levari, quam per eandem aut majorem quantitatem, diversis temporibus. Sanguis pleno rivo fluat; nam tonus imminuitur subitâ detractiōe, et, pro ratione quantitatis, dato tempore, extractæ. Quantitas mittenda, ex variis inflammatoriis morbi signis, viz. frequentia et acuta pulsatione arteriarum, dolorum violentia, ægri temperamento, &c. ediscatur; si enim, post venæ sectionem primam, symptomata violenta nihilominus persistent, sanguis iterum educendus est. Etsi, in hoc morbo, venæ sectio generalis adeo apta videtur; tamen, ne nimia quantitas detrahatur, cavendum est. Hoc enim convalescentiam tardam, rheumatismum chronicum, vel anasarcam inducere sæpe solet. Homo adultus sanguinis missionem, ad quantitatem quatuor vel quinque librarum, tot dierum spatio, tute plerumque ferre potest. Sanguinis specie non semper dirigamur, quod ad quantitatem mittendam. Sanguis enim elicitus, pelliculam albidam ostendens, signum sæpe fallax est, et

venæ



venæ sectionis repetitionem non indicat, nisi alia symptomata, veluti pulsus frequens, et validus, et dolor simul concurrant. Si, post venæ sectionem generalem, dolor restet, et, ni evacuatio ulterior mala sit, topica venæ sectio adhibeatur, vel per hirudines, aut cucurbitulas cruentas. Hæ illis anteferendæ sunt, quia citius et certius suo funguntur officio.

Vesicatoria etiam, eodem proposito, imponantur, vel linimenta affricentur. Cathartica fluidorum quantitatem minuendo, procul dubio, utilia sunt; sed tantum incommodi ab eorum usu oritur, et, ob corporis motum, inter alvum evacuandam, dolores adeo ingravescent, ut ab iis omnino abstinere fortasse melius foret. Attamen, quoniam in hoc morbo ad statum astrictum alvus plerumque proclivis est, eam igitur modice solutam tenere per utile comperietur. Huic vero proposito optime inservient enemata emollientia. Si hæc effectum desideratum non præstent, cathartica leniora, veluti crystalli tartari, vel

tartarus



tartarus solubilis, &c. usurpentur. Hæc, irritationem amovendo, sæpe valde salutare producant effectus.

### CONSILIUM SECUNDUM.

*Spasnum vasis extremis inductum solvere.*—Medicamenta, quæ ad hoc efficiendum valent, ea sunt, quæ fluida ad vasa extrema dirigunt. Diluentia, sales quidam medii, omnia vomitionem aut sudorem cientia, nunc, cum fructu, usurpantur.

*Imo. Diluentia.*—Sudore fluente, copiosius dentur, quippe quæ hunc magis eliciant etiamnum. Ad hunc finem, juscula dilutiora, decoctum avenaceum, et alia similia, apta videntur. Ægrotus ad sudorem accinctus esse debet, viz. cum pannis laneis confertim tegitur, et in lecto ponitur. Ra-

tio, cur laneæ vestes aliis anteferuntur, est, quod diaphoresin promovent, et humiditatem absorbent.

*2do, Sales medii.*—Hæc medicamenta vim refrigerantem possident, spasmum vasorum extremorum tollunt, et cutis ab eorum usu, haud multo post, calida fit; sudorque postea fluere incipit. Ob hoc, optimo cum fructu, in hoc morbo, sæpe sumuntur.

*3tio, Emetica,* cursum humorum ad superficiem eliciendo, diaphoresin, sæpe promovent, et calorem imminuunt. Ad hoc autem plenus vomitus nunquam aptus est; corpus enim nimis concutit, et dolores sæpe iterat, et etiam effectus haud diu durant.

Sed emetica, dosibus nauseantibus data, vasorum extremorum actionem diutius excitant, et aliquantum sudoris frequenter educunt. Febri-



lia symptomata ita mitigant, atque alvum, maxima ex parte, leniter solvunt.

4to, *Ad Medicamenta, viz.* sudorifica nunc perventum est, quæ ad constrictionem solvendam, ideoque ad morbum amovendum, maxime accommodantur.

Sanguinis justa quantitate sumpta, et diathesi phlogistica imminuta, sudor tunc, cum fructu, elici potest variis medicamentis; optime autem pulvere ipecachuanæ composito, qui, dosibus granorum quindecim, tertia quaque hora ad quartam, vel quintam vicem, sumi debetur. Eximius Rutherford, pilulam, ex opio et tartaro antimoniali confectam, laudat. Regimen, ad sudationem promovendam accommodatum, antea memoratum, tunc observare opus est.

Sudatio semper excitetur medicamentis, haud stimulantibus, et calore quam minimo; nam,  
cum

cum promovetur medicamentis irritantibus, diathesin phlogisticam multum auget, et haud paululum injuriæ systemati infert. Si, aliis partibus sudantibus, pedes non humectentur, fomentationes calidæ, lagena nempe aqua calida repleta, vel lateres calefacti, adhibeantur. Medicamenta sudantia mane danda sunt, ægerque infomnis teneri debet.

Si, remediis sudorificis applicatis, nihilominus nullus sudor appareat; sed, vice ejus, calidus fiat æger, et anxietas, cutis arida, sitis vehemens, cum capitis dolore et delirio, urgeant, tunc sudatio sistenda est. Sin autem contrarium evenit, a duodecim horis ad triginta vel quadraginta, secundum ægri conditionem vel morbi symptomata, continuetur. In paucos aliquot dies, æger ab effectibus frigoris sese defendat (quod tunc eum præcipue afficiet) in cubiculo manendo, et vestibus ficcis sese velando. Cortex Peruvianus, apud multos medicos, præcipue Londinenses,



nenfes, maxime comprobatur. Ego ipse adfui, cum a celeberrimo Gregorio hic præscriptus fuit duobus rheumaticis, quorum symptomata inflammatoria haud valde violenta fuerant. Signa unius multo pejora reddebantur. Cortex tunc omiffus fuit, et venæ fection et fudatio adhibita, a quibus, octodecim vel viginti dierum fpatio, convalefcebat. Alterius symptomata, ab ejus ufu, leniora cito evaferunt, et, aliquot diebus, a dolore liberatus, abivit. Haud ita multo poft autem reverfus eft, eodem morbo laborans, et per unam venæfectionem fanatus fuit. Mea igitur opinione, chinchona non ufurpari debet, donec figna febrilia fedantur. Tunc, maximo cum beneficio, affumitur, et dolorum nocturnam acceffionem impedit debilitatemque amovet, quæ proclivitatem ad rheumatifmum chronicum vel alios morbos sæpe facit. Anodyna, morbi verfus finem, utilia quoque funt, dolores levando ; et fomnum inducendo ; et, in remediis fudorem moventibus, auxilia haud contemnenda sæpe inveniuntur,



veniuntur; et, testante eximio Duncan, opium calomelani conjunctum, remedium præstantissimum, evadit; præsertim in iis, qui doloribus subinde recurrentibus, ab irritabilitate systematis morbo inductâ, vexantur. Alia, ad rheumatismum arcendum ab auctoribus memorata, hic enarrare possem; sed illa, supra recensita, præcipue usurpantur, et in usum revocari debent.

F I N I S.





